

### Anuncio

O pleno do Concello de Chantada, na sesión ordinaria do día 30/07/2020 acordou aprobar inicialmente o expediente de modificación de créditos 27/2020 baixo a modalidade de suplemento de crédito 01/2020 con cargo ao remanente de tesourería para gastos de exercicios pechados, por importe de 672.701,41 €.

O expediente exponse ao público polo prazo de quince días, da acordo co artigo 169 do Texto Refundido 2/2004, do 5 de marzo, da Lei reguladora das facendas locais, na Secretaría deste Concello, a fin de que durante o mesmo, que empezará a contarse desde o día seguinte ó da inserción do presente edicto no Boletín Oficial da Provincia, poderán presentar reclamacións e suxestións que se estimen oportunas, as que deberán ser dirixidas ó Sr. Alcalde-Presidente deste Concello.

Chantada, 3 de agosto de 2020.-O ALCALDE, Manuel Lorenzo Varela Rodríguez.

R. 1734

## O CORGO

### Anuncio

**MARCO ANTONIO GARCÍA-GABILÁN SANGIL, LICENCIADO EN DEREITO E SECRETARIO DO CONCELLO DO CORGO (LUGO)**

#### CERTIFICO:

Que en data do 27 de xullo deste ano, o Sr. Alcalde ditou a Resolución relativa á modificación das bases e a apertura dun novo prazo da convocatoria de axudas económicas de pago único para o fomento da natalidade de 2019 no Concello do Corgo, aprobadas por resolución desta alcaldía do 30 de decembro de 2019, e publicadas no BOP do 1 de febreiro do actual, que se transcribe de seguido:

#### "DECRETO/20. O CORGO, 27 DE XULLO DE 2020

Por resolución desta alcaldía do 30 de decembro de 2019, aprobáronse as bases da convocatoria de axudas económicas de pago único para o fomento da natalidade de 2019 no Concello do Corgo, sendo publicadas no BOP do 1 de febreiro do actual.

De conformidade co establecido no Art. 23.2 da Lei 38/2003, Xeral de Subvencións, a contía total das subvencións por nacemento de fillos ou adopción ascende a 13.000 € e atópase consignada na aplicación orzamentaria 231-480, no vixente orzamento para 2019.

Nas citadas bases estableceíase que serían beneficiarios, entre outros requisitos, que a unidade de convivencia segundo o padrón municipal non percibira ingresos anuais superiores a 3,5 veces o SMI para 2019, referido a catorce pagas.

Entendíase por unidade de convivencia a todas as persoas que tiveran a residencia habitual no mesmo domicilio en que se empadroara o nado ou o adoptado, excluíndose as persoas coa calificación de dependentes e discapacitados ou tiveran reducida a súa capacidade de traballo nun grado equivalente ao da incapacidade permanente absoluta ou grande invalidez.

Co fin de facer fronte á situación de emerxencia de saúde pública ocasionada pola COVID-19, declarada pola OMS, levou ao goberno autónomo de Galicia a decretar a emerxencia sanitaria e ao Goberno de España a declarar o estado de alarma, limitando a liberdade de circulación de persoas adoptando as medidas de contención no ámbito da actividade comercial, equipamentos culturais, establecementos e actividades recreativas, de hostalería e restauración e outras adicionais.

Como indica o Real decreto lei 8/2020, de 17 de marzo, de medidas urxentes extraordinarias para facer fronte ao impacto económico e social da COVID-19, a contención da progresión da enfermidade supón limitacións temporais á libre circulación xunto coa redución da oferta laboral debido ás medidas de corentena e contención. Estas circunstancias tradúcense nunha perturbación conxunta de demanda e oferta para a economía española, que afectará ás vendas das empresas, xerando tensións de liquidez que poderían derivar en problemas de solvencia e perda de empregos si non se adoptan medidas urxentes de estabilización.

Este real decreto lei permitiu ás entidades locais destinar o superávit correspondente ao 2019 para financiar gastos de inversión na política de gasto 23 "Servizos Sociais e promoción social" e tamén nas prestacións establecidas no seu artigo 2, entre outras a de "garantir ingresos suficientes ás familias, para asegurar a cobertura das súas necesidades básicas, xa sexan de urxencia ou de inserción".

Por todo isto, e visto que a dotación para axudas á natalidade queda con saldo suficiente, cómpre modificar os requisitos esixidos nas mesmas, co fin de axudar ás familias por nacemento de fillos.

En consecuencia, por todo o exposto, RESOLVO:

**PRIMEIRO.-** Modificar o artigo 4 d) das bases referidas, que queda redactado do seguinte xeito:

"d) A unidade familiar non perciba ingresos anuais superiores a 3,5 veces o SMI para 2019, referido a catorce pagas.

Entenderase por unidade familiar:

**En caso de matrimonio (modalidade 1ª):**

A integrada polos cónxuxes non separados legalmente e, se os houbera:

- Os fillos menores, con excepción dos que, co consentimento dos pais, vivan independentemente destes.
- Os fillos maiores de idade incapacitados xudicialmente suxeitos a patria potestade prorrogada ou rehabilitada.

A maioría de idade acádase aos 18 anos.

**En defecto de matrimonio ou nos casos de separación legal (modalidade 2ª):**

A formada polo pai ou a nai e a totalidade dos fillos que convivan con un ou outra e reúnan os requisitos sinalados para a modalidade 1ª anterior.

No suposto de nulidade, separación ou divorcio dos proxenitores, o beneficiario da prestación será o pai ou a nai a quen lle corresponda a custodia dos fillos, conforme ao acordo establecido no convenio regulador ou sentenza xudicial de nulidade, separación ou divorcio.

En consecuencia poden extraerse as seguintes conclusións:

- Calquera outra agrupación familiar distinta das anteriores non constitúe unidade familiar a efectos desta subvención.
- Ninguén poderá formar parte de dúas unidades familiares ao mesmo tempo.
- A determinación dos membros da unidade familiar realizarase atendendo á situación existente o día 31 de decembro de 2019.

Polo tanto, se un fillo cumprira 18 anos durante o ano, xa non formará parte da unidade familiar nese período impositivo.

En ningún caso poderán ser beneficiarios os proxenitores privados total ou parcialmente da patria potestade dos seus fillos ou cuxa tutela estivese asumida por unha institución pública."

**SEGUNDO.-** No artigo 6 das citadas bases onde se faga referencia á unidade de convivencia deberá entenderse referida á unidade familiar.

**TERCEIRO.-** Publicar esta modificación e abrir un novo prazo de solicitudes ata o 30 de novembro deste ano 2020.

**CUARTO.-** As solicitudes presentadas con anterioridade, entenderanse que o fixeron dentro do prazo desta convocatoria, polo que non terán que volver a presentar solicitude."

**Recursos:** Contra a referida resolución, que esgota a vía administrativa, poderá interpoñer, potestativamente o recurso de reposición, ante o mesmo órgano que a ditou, no prazo dun mes contado a partir do día seguinte ó da referida notificación ou interpoñer directamente o recurso Contencioso-administrativo ante o Xulgado do Contencioso-Administrativo de Lugo, sito en C/ Armando Durán, 27002- Lugo, durante o prazo de dous meses, contados a partir do día seguinte ao da referida notificación, sen poder simultanear ambos os dous, conforme se dispón nos arts. 123 e 124 da Lei 39/2015, de 1 de outubro, do Procedemento Administrativo Común das Administracións Públicas, advertíndolle que tamén poderá utilizar calquera outro recurso que estime pertinente e/ou exercer as accións que procedan ante a xurisdicción competente.

Para que conste, para xeral coñecemento, expídese o presente certificado, co visto e praxe do Sr. Alcalde, no Corgo, a trinta de xullo de dous mil vinte.

O Corgo, 30 de xullo de 2020.- O SECRETARIO, MARCO ANTONIO GARCÍA-GABILÁN SANGIL. Vº E PRACE, O ALCALDE, Felipe Labrada Reija.

R. 1735